

2520/1723


Vol. 1

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

JUN 29 1949

開闢衍繹叙

開闢衍繹者古未有是書今刻行之以公宇內



名之開闢者何譬喻云爾如盤古氏者皆開闢

也。天地人三皇。次開闢也。伏羲神農黃帝堯舜。

又開闢也。夏禹繼五帝而王。又一開闢也。商湯

放桀滅夏。又一開闢也。周文三分天下有其二。

以服事殷。武王克紂伐罪弔民。則有列國志。是

又一開闢也。漢高定秦楚之亂。光武滅莽中興。

則有西東漢傳。是又一開闢也。又有三國志。兩

開闢衍繹

晉傳南北史隋楊堅混一南北唐太宗平隋之
亂則有隋唐傳是又一開闢也宋祖定五代之
亂則有南北宋傳是又一開闢也其間又有水
滸傳岳王傳我

太祖

一統華

夏則有英烈傳是又一大開闢也自古天生聖
君歷代帝王剝業而有一代開闢之君必有一
代開闢之臣如伏羲之有蒼頡黃帝之有風后
堯有舜佐舜有臣五人而天下治禹棄契皋陶

伯益又有八元八凱。禹有治水之功而興夏湯。得伊尹以祚商。武丁之於傳說。文王之於呂望。漢有三傑。蜀有孔明。晉有王謝。唐有房杜。宋有韓范是也。至於篡逆亂臣賊子。忠貞賢明節孝。悉采載之傳中。今人得而觀之。豈無爽心而有浩然之氣者。誠美矣。然未有開天闢地。三皇五帝。夏商周諸代事蹟。因民附相。譌傳寥寥無實。惟看鑑士子。亦只識其大略。更有不干正事者。未入鑑中。失錄甚多。今摛輯各書。若各傳式按。

鑑參演補入遺闕。但上古尚未有文法。故皆老成朴實言語。自盤古氏分天地起。至武王伐紂止。將天象日月山川艸木禽獸。及民用器物。婚配飲食藥石禮法。聖主賢臣。孝子節婦。一一載得明白。知有出處。而識開闢。至今有所考。使民不至於互相譎傳矣。故名曰開闢衍經云。

崇禎歲在旃蒙大淵獻春王正月人日靖竹居
王鬻子承父書於柳浪軒

附錄 乩仙天地判說

昔有一士子求問乩仙。天地如何開闢。乩仙降筆云。你說天地合閉。像個甚麼。就像個大西瓜。合得團團圓圓的。包羅萬物在內。計一萬零八百年。凡一切諸物皆溶化其中矣。止有金木水火土五者。混於其間。硬者如瓜子。軟者若瓜瓢。內有青黃赤白黑。五色亦溶化其中。合閉已久。欲開不得開。却得一個盤古氏。左手執鑿。右手執斧。猶如剖瓜相似。闢爲兩半。上半漸高爲天。

含青黃赤白黑。爲五色祥雲。下半漸低爲地。亦含青黃赤白黑。爲五色石。泥硬者帶去上天。人觀之爲星。地下爲石。星石總是一物。若不信。今有星落地。下者。人掘而觀之。皆同地下之石。然天上亦有泉水。泉水無積處。流來人間。而注大海。前賢云。黃河之水。天上來。今黃河中水。是也。地下有泉水。今井中水。是也。此水以應人間之萬物。惟金木水火土。五者逢劫不劫。逢害不害。你說天上人間。不一般。總皆是一般。毫無差別。

但長短不同。人間五百年。天上一晝夜。惟下界
與天上人間大不相同。天上人呼人間口中界。
呼幽冥曰下界。惟有下界却似人間天上。公道
之人。死入爲神。輪流更替。轉攝人間。分辨賢愚。
糾察善惡。以定報應。若遇劫至。三界混一。無有
存焉。劫劫相承。天地合而復開。開而復合。總然
離不得這一箇大西瓜。

又云。你問我如何。天地便會交合。如何天地會
開泰。我亦說與你知道。古來有形必有害。萬國

并九州難逃此劫。債天上與人間。只有耐不耐。
百蟲一年身。禽獸幾歲賴。人不滿百年。神仙三
千載。邪妖鬼怪精。數至身亦敗。人言天地久十
二會覆蓋。惟有西方佛。萬劫常自在。若怕遭此
難。一心念菩薩。凡天機不宜漏盡。各皆珍重。

新刻按鑑編纂開闢衍繹通俗志傳目錄

卷之一 節目凡八段

第一回

盤古氏開天闢地

第二回

天皇定干支甲子

第三回

地皇分晝夜星辰

第四回

人皇分山川九區

第五回

天地人三皇歷歌

第六回

五龍氏分治天下

第七回

有巢氏教民架屋

第八回

燧人氏結繩治政

卷之二 節目凡十二段

第九回

伏羲畫卦定天下

第十回

龍馬負河圖洛書

第十一回

女媧興兵征共工

第十二回

祝融氏大戰康回

第十三回 天燔地焦

女媧氏煉石補天

第十四回 共工共工

女皇大封列國侯

第十五回

神農教民藝五穀

第十六回 伏羲氏

親嘗百草療民疾

第十七回

精衛公主訪神仙

第十八回

百姓爭殺夙沙氏

第十九回

七帝繼傳承天下

第二十回

軒轅救駕滅蚩尤

卷之三 節目凡十六段

第二十一回

軒轅氏即黃帝位

第二十二回

帝用六相治天下

第二十三回

黃帝制冕旒宮室

第二十四回

元妃教民養蠶絲

第二十五回

帝道成龍迎昇天

第二十六回

少昊卽位都曲阜

第二十七回

九侯奉旨征九黎

第二十八回

勾龍攻城暗退兵

第二十九回

顓頊高陽氏卽位

第三十回

九太子征伐九黎

第三十一回

九太子大戰九黎

第三十二回

勾龍退圍滅九黎

第三十三回

顓頊滅黎伏四夷

第三十四回

帝嚳高辛氏卽位

第三十五回

堯率八元諫帝摯

第三十六回

衆諸侯廢摯立堯

卷之四

節目凡十四段

第三十七回

堯帝卽位都平陽

第三十八回

堯帝命羿射九日

第三十九回

羿繳大風除獸害

第四十回

平羿夫妻入月宮

第四十一回

四岳舉鯀治洪水

第四十二回

堯帝康衢聽童謠

第四十三回

大舜躬耕於歷山

第四十四回

堯帝訪賢讓天下

第四十五回

堯讓舜天下而崩

第四十六回

舜帝即位召八凱

第四十七回

舜帝歌南風之詩

第四十八回

舜帝命禹征三苗

第四十九回

舜命禹治水救民

第五十回

舜南狩禪位於禹

卷之五

節目凡十六段

第五十一回

禹王承位會諸侯

第五十二回

禹惡旨酒貶儀狄

第五十三回

諸侯立啓卽帝位

第五十四回

羿宜禹訓廢太康

第五十五回

仲康卽位斬羲和

第五十六回

后羿篡夏弑帝相

第五十七回

寒浞誘民殺后羿

第五十八回

少康中興滅寒浞

第五十九回

七帝仁明享太平

第六十回

劉累醢龍貢孔甲

第六十一回

桀寵妹喜殺龍逢

第六十二回

桀王囚湯于夏臺

第六十三回

桀王舉鼎會諸侯

第六十四回

湯聘伊尹於莘野

第六十五回

湯伊尹放桀滅夏

第六十六回

桀王喪國走南巢

卷之六 節目凡十四段

第六十七回

湯卽位除網三面

第六十八回

六事自責雨桑林

第六十九回

伊尹奏后廢太甲

第七十回

沃丁承位哭伊尹

第七十一回

仲丁命巫咸征夷

第七十二回

祖乙遷都修河決

第七十三回

盤庚作書復興商

第七十四回

武丁版築得傳說

第七十五回

傳說奉旨伐鬼方

第七十六回

武乙無道被雷震

第七十七回

太丁命季歷征夷

第七十八回

季歷受封西伯侯

第七十九回

紂寵妲己喪亡商

第八十回

周武王弔民伐罪

十三

第十山回

...



盤古氏開天
闢地

天皇定于支甲子



地皇定日月
星辰








五龍氏分治
天下

有巢氏教穴居



有巢氏教民
架屋





燠人氏教民
熟食


伏藏八卦治
天下



龍馬負河圖
洛書



女媧與兵
征共工





祝融氏大戦康回

女媧氏煉石補天



開明判正


圖象

女皇氏大封諸侯




神農教民種五穀





親嘗藥州
療民疾

精衛公主訪神仙



精衛行

圖象

百姓爭殺風
沙水




七帝繼傳承天下





軒轅救駕滅蚩尤

軒轅氏即黃帝位




天下
黃帝六相治



黃帝問
道廣成
子



少昊命勾龍征黎



九太子出征
九黎



開闢行聖
圖象

三

九太子大戰
九黎



顓頊帝四夷賓伏




開闢二界

開象

句

洪文志

帝魯高辛氏
即位



堯帝
命羿
射九
日





平昇與
民除獸
害

堯帝訪賢讓
天下





禹王承位會
諸侯

禹王承位會

三



禹惡旨酒貶儀狄

諸侯立故天子

周禮卷之四





大康
羿宜禹訓廢

后羿篡夏
弑帝相



開朝行

圖象

洪文志刻



少康重興
滅寒泥



七帝仁明享太平



劉累龍醢貢孔甲

桀寵妹喜殺龍逢





湯聘伊尹於莘野




湯王德政及禽獸



六事自貴雨桑林

伊尹攝政
廢太甲





仲丁命巫戰伐夷

新刻按鑑編纂開闢衍繹通俗志傳卷一



五岳山人周游仰止集

靖竹居士王覺子承釋

盤古氏開天闢地 第一回

邵康節曰天始開於子復卦也子歷一萬八
百年爲一會丑歷一會地始成曰地闢於丑
臨卦也寅歷一會人始生曰開物於寅泰卦
也周十二宮一十二萬九千六百年爲一元
終坤卦也又是一箇大闔闢謂元始至終更

以上亦復如是。余仰止曰。若云天開於子。地闢於丑。則盤古氏乃天開地闢之時也。該計二萬一千六百年。以當子丑之會。若云天開天皇地闢地皇人生人皇。天開地闢之時。陰陽未分。安有人生。天地定位。方可言生。愚按天皇生在寅。地皇生在卯。人皇生在辰。伏羲在巳。神農黃帝堯舜在午。不然。今言未。何也。若歷考之。尚未至卯。何言至未。今正在午。字者是也。不必疑焉。

胡五峰曰。混沌之世。天地始分。有盤古氏者。生於大荒莫知其始。明天地之道。達陰陽之變。爲三才首君。於是混茫開矣。

却說爾時西方世尊釋迦牟尼佛。放大光明。照見天下萬國四大部洲。洪濛久閉而不得升降。天昏地暗。神慘鬼愁。猶人居諸水火之中。奔溺之狀。深爲可憐。世尊發大慈悲。卽於靈鷲山上。從肉髻中湧出千葉寶蓮。大放十道百寶光明。一一光明皆遍。示現十恒河沙。擎山持杵。普周

虛空世界大衆仰觀畏愛兼抱。哀告求佛憐憫。開示佛曰。善哉善哉。乃呼阿難問曰。汝見天下四大部洲否。阿難啓佛曰。弟子愚昧不知四大部洲何物。佛復問諸弟子曰。汝等曾有見識否。諸弟子皆言未識。佛曰。天下四大部洲者。吾此方是西牛賀洲。東是東勝神洲。北是北俱盧洲。惟有南瞻部洲。天地洪荒。觀音大士出班合掌頂禮。上白佛言曰。世尊。今南瞻部洲歷劫已滿。世尊救度普濟。莫非立教復開天地者乎。佛曰。

善哉。正是此說。今欲一人開天闢地。爲萬世之
始主。此非細事。恐不得其人。見班傍一位菩薩
合掌微笑。世尊看是毘多崩娑那。命近前問之。
擎拳長跪稽首佛前。上白世尊曰。南瞻部洲。若
得天地開闢。只恐弟子身遭惡業。何以解脫。佛
曰。止。命汝一身去開天闢地。成萬世不朽之功。
有何惡業。不必呈礙。速往前行。天地旣分。萬物
始成。自有天一生水。地二生火。天三生木。地四
生金。天五生土。二氣一分。吾卽救汝。復至此方。

毘多崩娑那。受佛命畢。只得頂禮辭別世尊。并諸大菩薩。駕一朵祥雲。離了西方佛境。直來至南瞻部洲。大洪荒處。大吼一聲。投下地中。化成一物。團圓如一蟠桃樣。內有核如孩形。於天地中滾來滾去。約有七七四十九轉。漸漸長成一人。身長三丈六尺。頭角猙獰。神眉怒目。獠牙巨口。徧體皆毛。將身一伸。天卽漸高地。便墜下。而天地更有相連者。左手執鑿。右手持斧。或用斧劈。或以鑿開。自是神力。久而天地乃分。二氣升

降。清者上爲天。濁者下爲地。自此而混茫開矣。

卽有太極生兩儀。兩儀生四象。

太陽少陽
太陰少陰四

象變化。而庶類繁矣。相傳首出御世。從此毘多

崩婆那。立一石碑。長三丈。闊九尺。自鐫二十字

於其上曰。吾乃盤古氏。開天闢地基。

亥子重交媾
依舊似今時

話分兩頭。不說毘多崩婆那。分天地立碑。且說

世尊慧眼遙觀。見毘多崩婆那功成行滿。在世

已久。分付觀音大士曰。汝可變一天神。執淨瓶

前去傾出甘露令毘多崩婆那浴身恐沾污穢
難以離世說出西方形骸救度他轉來大士領
佛法旨卽辭世尊駕祥雲至大荒搖身變一天
神高四丈手執淨鉢立于碑前盤古氏問曰汝
是何人執此淨鉢何故大士曰吾淨鉢有甘露
爲汝身觸厭汚如來使吾代汝洗身盤古氏本
西方大聖一聞大士之言心便開悟卽頂禮皈
依叩求救度大士見其心轉隨將淨鉢中甘露
於盤古頭頂上傾下卽說偈曰

只因合掌一笑

今來二萬餘年

功完行滿西歸

免墮輪迴苦境

盤古氏聽偈畢大吼一聲滾於地中霎時依舊
化成一蟠桃大士一見卽向前用淨瓶裝入內
徑回西天見世尊叩首參拜白佛曰弟子救得
毘多崩娑那至此望如來慈悲遂將蟠桃獻上
世尊一見便說偈曰

去此形骸

來此形骸

功今完滿

現像受戒

世尊說偈畢。毘多崩娑那卽現出原形。於佛前
叩首頂禮。世尊大喜。大士又啓佛曰。雖蒙慈悲。
天地今已分。弟子不識天開闢地後。又當何如。
世尊曰。天地旣分之後。輕清者陽氣上升。重濁
者陰氣下降。二氣化而生人。陰陽交媾。自能生
育萬物。至於禽獸蠢動含靈。莫不本此。但後降
生者。必上中下三白起。三白者乾坎艮是也人間必以爲
三皇焉。其後歷劫。稟清氣者爲臣。則忠。爲子。則
孝。聞善則喜。心慈不殺。仗義輕財。至有罪變獸

則爲馬牛犬羊獅象麟象等類。變禽則爲鳳鸞
鶴雀鴛雁等類。變蟲則爲魚鰕蛾蠶等類。稟濁
氣者爲臣不忠。爲子不孝。作惡執性。不樂善事。
貪財好殺。至有罪變獸則爲豺狼虎豹鼠狐等
類。變禽則爲鷹鵠鴉鶴等類。變蟲則爲蜂蝎蛇
蠶等類。稟不清不濁之氣者爲臣貪位。爲子或
順或逆。好財吝捨。知善不爲。不戒殺心。變獸則
爲驢騾豕鹿兔獐等類。變禽則爲鵲鴿鷺雞鴨
鶩等類。變蟲則爲蚊虱蝶蟻之類。日後四大部

開闢行錄卷一
六
洲歷劫已久。蠢動含靈。爲衆生善善惡惡。或至
人爲禽獸蟲。或禽獸蟲至爲人。更易不常。故有
天堂地獄。皆自心造。不能悉舉。汝等往後便知。
大衆諸佛菩薩。皆合掌歡喜稽首而退。但不知
後來如何。且聽下回分解。

釋疑或問曰。觀音大士。乃妙莊王三公主。彼
時那有觀音大士。答曰。非也。言觀音者。觀世
上之音。非妙莊王時觀音也。譬言世尊亦稱
佛。乃世上之至尊。焉有差謬。

考廣雅云天去地凡二億一萬六千七百八十一里半。度地之厚與天之高等南北相去凡二億三萬三千五十七里二十五步。東西相去短減四步。

天皇定干支甲子 第二回

却說天皇氏者

皇君也。大也。美也。

自盤古氏返西之後

陰陽正氣交媾。木德王歲起於攝提

歲名。屬寅。冲動

四象結成一大石毬。滾化出十二小毬。乃一日降世。毬內皆生出一人。共十三人。惟天皇氏全

身皆白色長三丈五尺面如傅粉唇若塗朱其
兄弟十二人尊之爲主繼盤古氏以治理天下
原未取有姓名各星散而居自此天下四大部
洲或天降或地生或三或五皆成人形天皇氏
天靈澹泊無爲而治平不言而俗化乃召兄弟
十二人於前曰盤古氏明天地之道達陰陽之
理爲三才首君而開混沌吾蒙諸弟推立欲置
天地行運之道父母相生之理以天干地支相
配輯定時候吾亦不知其可否故召弟等商之

十二弟齊聲對曰。聞混沌初分之時。天干藏於上。地支埋於下。但不知我兄。今如何而取用也。

天皇曰。天干者。乃十父也。甲名曰闕音越逢。乙名

曰旃音蒙。丙名曰柔兆。丁名曰疆圉音語。戊名曰

著雍。己名曰屠維。庚名曰上章。辛名曰重光。壬

名曰玄默音赤。癸名曰昭陽。地支者。乃十二母也。

子名曰困敦。為混沌萬物之初。萌藏黃泉之下。

丑名曰赤奮若。氣運奮迅而起。萬物無不若順也。

其性寅。寅名曰攝提格。也。萬物承陽而起。卯名曰

單闕單盡也陽氣推萬物而起闕止也辰名曰執徐伏也

伏蟄之物而敷舒出巳名曰大荒落萬物熾盛

而出霍然落之午名曰敦牂敦盛也萬物壯盛

也未名曰協洽陰陽和合萬物化生申名曰澁

敦音灘萬物吐秀傾垂也酉名曰作噩音約萬物皆

苙枝起戌名曰闋茂闋蔽也萬物皆蔽冒也亥

名曰大淵獻淵深也萬物於天深蓋藏也十一

第又啓曰然則天干十地支十二何以用之乎

天皇教之曰天干降合地支生長每與相配如

甲配子。乙配丑。輪流相合。周而復始。而爲六十
甲子。萬物滋生於中。蓋因盤古氏旣開天而未
治十干之名。旣闢地而未定十二支之義。吾今
立十干以定歲次。立十二支以定四時。歲時旣
定。則民始知天道之所向矣。十二第聞說。各大
歡喜。唯唯而退。自此天地位焉。萬物育焉。頗通
君臣之義。但人間諸事。皆未設置。通鑑載天皇
兄弟十三人。共治天下。一萬八千歲。繼之地皇
氏生焉。不知後事若何。且聽下回分解。

地皇分日月星辰 第三回

却說天皇氏雖立六十甲子。晝夜不分。永冥冥

焉。正值火德王。興于熊耳龍門等山。熊耳山在河南陝州

龍門山在北直保安州忽然山中。地出金光數丈。光中現

五色祥雲。雲中降下一物。如蓮花樣。乃六白降

世。蓮花內有十一孔。於半空中飄蕩。遂至變化

墜於地下。乃十一隻。如蓮子樣。有一大者。忽伸

出一頭。全身繼之。而出於地中。踊躍數次。自成

一人形。成三丈四尺。膊大數圍。面如黑漆。身似

煙煤。目如火光。繼之蓮子。亦搖擺數次。如前而出。一般十人。形容體態。大抵肖似。一出便知尊兄爲主。各相言曰。天皇去後。今兄降世。可繼爲地皇。地皇諾之曰。弟等旣立。我以繼天皇。當作用創立。以垂憲萬世。衆弟曰。我兄天生聖君。必有睿裁。弟等領命。地皇曰。天皇立天干。以定歲。地支以定時。而歲時雖定。晝夜不分。日月不明。縱有生民。萬世冥冥。如長夜矣。則人民萬物。將何以爲上宰乎。必得定其日月之升降。以分其

晝夜之時刻期限朔望盈虛庶民方有所賴矣。諸弟聞說皆大歡喜稽首曰願我兄速爲處分。地皇曰吾今先代汝諸弟取其姓名各處而居。再商晝夜之計。諸弟請曰吾兄取何名姓。地皇曰。姓則共而名分。取十字創制諸辰法永垂憲萬世。以此十字爲汝等安名。其一曰地創。二曰地制。三曰地諸。四曰地辰。五曰地法。六曰地永。七曰地垂。八曰地憲。九曰地萬。十曰地世。諸弟受名謝恩。地皇分付曰。汝等暫且散居各方俟。

有召命。各宜向前立功。諸弟領命。皆分別而去。
地皇氏自思曰。必須先得日月分明。星辰有位。
然後方可以分晝夜。如是日月不照。星辰不耀。
安成晝夜。可召四弟地辰。議之。卽遣使命。令召
地辰。使命承召。直至地辰地方。入見地辰。具言
地皇相召之意。地辰卽同使命來見地皇。參拜
畢。地皇曰。今聞日月二人。居於咸池。不升明照。
樂於愛溺。沉於精魄。恐召不來。汝可試往召之。
看彼何如。地辰領命。辭兄而行。取路徑至咸池。

却說太陽日君。姓孫名開。字子真。乃男身。太陰月君。姓唐名未。字天賢。乃女身。二人自天地消閉之後。陰陽相混。隱避於咸池。幽居不離。忽報地皇氏差有使命至。日月出接。延入池邊坐定。日君問曰。地皇差君至此。有何見諭。地辰宣言。地皇主上說汝二君。不出升照。不分晝夜。使某召二君前去照臨。以救萬民。日月曰。某二人久居在此。難以分離。况升照必有分別。分而難合。煩爲轉達。寔難領命。地辰曰。二君不行。則天下

萬民無有賴矣。若無二君不成天象。幸其勿辭。日月曰。以我分離。從彼所欲。不敢從命。二人遂走入咸池。不出。地辰只得回見地皇。將前事一奏。上地皇笑曰。吾亦知他二人情久不捨。難以善處。但不思天地間。豈有久合不分離者乎。汝且退。吾自有取他之法。却說地皇氏。乃西方地帝。雞降世。隨卽沐浴。閉氣飄然而行。至西方正值世尊升座蓮臺說法。諸菩薩侍立。忽座下見地皇氏俯伏言曰。望佛發大慈悲。行大方便。

佛曰。地帝雞汝已爲地皇。今有何事至此。地皇
叩首曰。弟子欲分晝夜以定日月星辰。遣使宣
召孫開唐未二人。不尊召命不肯分離。只得來
投世尊。望乞垂憐。佛曰。我前命毘多崩娑那降
世。爲盤古氏。亦知其未伏日月三辰。是無晝夜。
欲升日月。必得毘多崩娑那再行。方可以制之。
毘多崩娑那聞得佛言。忙向上叩首曰。蒙佛分
付。乃各執一事。弟子已開闢天地。日月之事。該
地帝雞制伏。彼今不伏日月。不定三辰。干弟子

則陰陽自分。而成晝夜矣。毘多崩娑那又告曰。日月既承開示。但不知星辰之事。當何如。世尊曰。星由月轉。因天地消閉。皆於混沌中。已成石矣。今聚在西北角。毘多崩娑那告佛曰。用何法升提。令其分位。世尊曰。諸星散亂。俱有其方位。汝可先升七辰於北方。此係衆星象之主。諸星必然拱向。次升五帝天星。三升天乙太乙三師后妃等星。四升文昌玄武三台八座等星。五升七姑星。列於天河鵲橋之後。六升角亢氐房心

尾箕斗牛女虛危室壁奎婁胃昴畢觜參井鬼
柳星張翼軫。此爲二十八宿。布列四方。七升金
木水火土五星。此爲五行。八升建除滿平定執
破危成收開閉。此爲十二曜。分十二位。九升太
子庶子御女左右少微等星。十升羅喉計都。一
一升提。各居其方位。自然不致紊亂而燦明矣。
毘多崩娑那曰。何法升之。世尊曰。念動心經。其
星卽升。毘多崩娑那曰。何只念心經便能升提。
世尊曰。天有天心。地有地心。人有人心。天地人

三心一正。百邪隱避。三心不正。百邪作祟。心經
中有無量無邊功德。不可思議。但依而行。自然
成功矣。毘多崩娑那聽佛此說。滿心歡喜。叩首
拜辭。如來卽同地帝雞而來。至咸池。依佛指示
將前真言念動。只見日月二君。飄飄蕩蕩。放大
毫光。顯出赤白二氣。冲天而起。便覺天地光明
比前混沌景象。大不相同。毘多崩娑那地帝雞
大喜。卽向前唱曰。汝二人久淆違佛法旨。吾不
汝較。可速分赤白二氣。前來受戒。少頃間赤白

二氣漸漸分開赤左白右各聚成一團毘多崩
娑那伸左手呼曰孫開速上吾堂只見一團赤
氣飛入掌中再伸右手呼曰唐未速上吾掌一
團白氣飛入掌中用兩手高擎念心經七遍又
念動真言喝曰赤左白右晝日夜月不得相淆
如違法旨按令施行只見赤白二團一齊離掌
直升上天白月沒於雲內赤日光明普照四方
矣二人大悅地帝雞曰今晝則定矣夜何以分
毘多崩娑那曰吾與汝且俟之孫開慾心未斷

必戀慕唐未待其行至身斜可召雲以掩其光而推唐未出焉則成夜矣地帝雖聞說大喜不多時果然孫開身斜欲尋唐未被雲蔽光不得相會毘多崩娑那卽念動真言催月漸升徧照四方而爲夜矣二人見日月分明已有晝夜又依世尊之旨向西北方念動真言先升北斗只見七星相連光芒閃灼列於北方將心經持誦而諸星象辰宿皆燦爛光明朗各升本位拱向北斗二人甚悅毘多崩娑那曰三辰位定矣

日月晝夜分矣只是孫開唐未居咸池交久慾
愛未斷久後必有月愛日日愛月相護之咎地

帝雞問曰若有此咎何以處分毘多崩娑那曰

某料不妨若日貪月則名月蝕

音食卽今食之日月食

若月

貪日則名日食民間見其晦暗必大驚小怪恐

其不光自用金鼓震動孫唐二人心慌必定驚

散而復光明但不免歲有一次然太陽之氣充

滿無有虧虛太陰之氣微弱必有盈虛說罷二

人作別毘多崩娑那轉西方回佛法旨地帝雞

回世得晝夜分日月定三辰判蕩心歡喜乃召
十弟聚會相慶稱賀地皇氏曰今晝夜日月星
辰已定吾欲以盈虛消長朔望相繼三百六十
五日爲一歲俾後之民庶知日月之道星辰之
理晝夜之長短四時之不息所以然也衆弟曰
此吾兄沒世之功也各辭歸本地不題地皇氏
自定日月星辰之後萬民安泰與十弟共分治
天下一萬八千年而崩繼之人皇氏出焉不知
後事如何且聽下回分解

淮南子曰。天有九部。八紀。地有九州。八柱。九州之外。有八埏。八埏之外。有八紘。八紘之外。有八極。東西廣有二億三萬三千里。南北廣有二億三萬一千五百里。夏禹所治四海內地。東西二萬八千里。南北二萬六千里。地之東西爲緯。南北爲經。地當陰陽之中。能吐生萬物者。謂之土也。

人皇分山川九區

第四回

却說人皇氏乃八白降世。正該土德王時。忽地

氣冲天。天上東北角有九人乘雲車。駕六羽而下。出於山谷之口。有祥雲擁護。毫光萬道。人皇生得面帶青色。目若朗星。身長三丈三尺。第八人亦各向前拜。尊人皇氏爲兄。人皇自呼曰。吾乃民主。汝等人民。何不前來禮拜。人民見此神通。拜倒數萬餘人。人皇氏曰。自盤古氏開天後。天皇氏爲民勞心殫力。制天干地支。與汝等定歲時。地皇氏與汝等升日月。定星辰。分晝夜。此永世不沒之德。止山川地上萬物。及君臣父子。

夫婦兄弟。飲食未置。吾今生斯世。爲生民之主。欲專制是事。彼時衆民只知唯唯聽命。亦不識其事體如何。人皇氏曰。汝等今且暫散。吾自有布置。萬民咸拜謝而去。惟第八人侍側。人皇氏分付八弟曰。汝等可前去相厥山川。分汝八人於八處。各居一方鎮守。今代汝等各取一名。方可招呼。長弟名曰居孝。次弟名曰居弟。三弟名曰居忠。四弟名曰居信。五弟名曰居禮。六弟名曰居義。七弟名曰居廉。八弟名曰居恥。吾立汝

八人。去八處鎮守。取此八字。人若勉之。則爲申
臣孝子。人若違之。則爲野禽惡獸。今地氣正旺
之時。山中必多禽獸。各宜勉之。無負吾望。八弟
叩謝。各去。各地方鎮守。彼時風氣漸開。時序頗
著。萬物羣生。徧處皆山林鳥獸。人民同居。徃往
爲害。一日。人皇氏乃召八弟前至。八弟隨召來。
見俯伏奏曰。不知兄主有何分付。召弟前來。人
皇氏曰。吾今見人民禽獸雜居。故召汝八人。各
回本方。開創人居之處。去其草木。庶人民禽獸

各得其所。不至混雜矣。更教民飲食。一日只卯
午酉三時可食。每時食一飽。不可過食。夜則寢。
晝則起。庶民不失其時矣。今雖有男女生育。未
明婚配。教民各自擇配。不許苟合淫慾。庶男女
不至淆亂矣。八弟聞言大喜。叩首謝曰。此必得
兄主教之人。皇氏曰。此事非小。可今天下人民
衆多。欲制此事。須召衆方伯至。而後方可定制。
八弟曰。欲召何人。人皇氏曰。今有五龍氏兄弟
五人。原出地皇之世。令其居於五方。司五行。布

山川。今傳有五十九姓於攝提。此一路煩居孝
弟。召爲首者至。吾自有分付。居孝領旨辭別而
去。人皇氏又曰。更有合音雜洛氏三姓名旺中旺
正旺丁者。原亦係攝提氏之派。教民開土穴而
居。又有連通氏六姓。係合雜氏之派。名僚修佳
佳仁信者六人。又有敘命氏四姓。乃係連通氏
之派。名曰連一連二連三連四。煩居弟居忠居
信三弟。亦召其爲首者至。吾自有分付。三弟各
領旨而去。人皇氏又曰。今數處召命。已發行矣。

更有循蜚氏之派有二十二氏居於汾睢陽地名

山西汾州府是又有鉅靈氏跡躔於蜀地名今四川是鉅靈氏

掌握化權指揮五丁之士反山川祛陰陽今居

於無恒之處無恒地名又有泰壹氏名為地皇氏調

大鴻之氣天地氣也正神明之位又有神民氏名使

人民異業精氣流行此幾處煩居禮居義二第

亦召其為首者至吾自有分付二第亦領旨而

去人皇氏又曰更有因提氏辰放氏二氏人名教人

卉服蔽體卉音賄樹葉也以木茹皮以禦風露絞髻闔

首以遮雨雪。今傳四世。煩居廉居。恥二弟召至。吾亦有分付。二人亦領旨而去。不半歲。光陰名處人等皆承召。命齊集通谷。地名。人皇所都之處。伺候朝見。一日。人皇氏出朝。衆弟皆至。參拜回旨。奏道。各路人臣。隨召俱至。見在朝。見兄主。人皇聞奏。大悅。命宣衆臣來見。衆臣入見。朝參拜舞禮畢。齊聲奏曰。蒙承吾君召命。不敢少違。星夜至此。不知吾君有何旨意分付。人皇曰。勞諸卿光降。今天下人民頗衆。日用稍均。禽獸歸山。魚鱉歸

水然人乃萬物之靈豈可男女由其自欲而不
定其婚配可乎。衆臣對曰臣等亦知此事但未
得制度之法。祈求吾皇指示。人皇曰未能正已
焉能正人。各當自立得人其教方行。寡人原得
地皇氏孫女二人。吾卽立爲后妃。弟等八人各
擇一女配之。卿等回鎮亦各自擇賢室務宜正
已。方可正人。此教民定其婚配爲萬代之第一
義矣。八弟諸臣皆大歡喜。奏曰此吾皇萬世之
德教也。各人謝恩而退。自回本鎮依人皇之法

教民。民皆樂從。而各鎮諸臣亦得安壤而治。普
天悉沾其化。自此人皇氏之治天下。君乃明君
而主不虛王。臣乃良臣。而臣不虛貴。制治漸敷
而政教所由興。禮義漸備。而君尊臣卑。自此起
飢飡渴飲。而民之食用漸著。男女交媾。而民之
婚姻始定。然此時民僞猶未滋也。人欲猶未侈
也。人雖羣生。而僭奪之患不興。物雖總衆。而凌
逼之念不舉。人無短天之壽。真盛世之初基也。
兄弟九人。共四萬一千六百歲。分天下爲九區。

而治不知後事如何且聽下回分解

天地人三皇曆歌 第五回

外史先從盤古氏 更有三皇天地人

天皇一萬八千歲 地皇一萬八千春

惟有人皇別長久 四萬一千六百辰

總算三皇歷年數 八萬一千六百巡

却說人皇氏治世雖正婚姻而人民惟知有母

不知有父未通媒妁禽獸尙自成羣鶉居穀飲

言如鶉鳥之居而無常處至于而亦不求不譽
飲食如穀之待哺而求活也

晝則旅行夜則類處旅衆也類聚也言禽獸尚

而未有定止矣

止居也言無

繼之五龍氏治焉

五龍列氏治天下

第六回

却說人皇氏之後有五龍氏兄弟五人焉一日
皇伯二曰皇仲三曰皇叔四曰皇季五曰皇少
五姓同期治五方司五類布山岳世及巢穴日
月貞明駕龍以治天下法五龍之跡行無爲之
化故號五龍氏世傳長曰角龍木仙次曰徵龍
火仙三曰商龍金仙四曰羽龍水仙五曰宮龍

土仙。五龍氏乘雲登仙而上郡膚施。地名。有五龍

山蓋出治之所也。漢宣帝立五龍仙人祠以祀焉。話分兩頭有

循蜚紀。二十二氏繼五龍氏而治。今列於左。

鉅靈氏 句疆氏 譙明氏 涿光氏

鈎陳氏 黃神氏 狇神氏 黎盧氏

天驄氏 鬼驄氏 弁茲氏 泰運氏

冉相氏 蓋盈氏 大敦氏 靈陽氏

巫常氏 泰壹氏 空桑氏 神民氏

猗帝氏 次民氏

鉅靈氏以治天下。一曰尸氣皇。出於汾睢。地名注前

與元氣齊生。握大象持化。而與物相蔽。鍛揮五

丁之士。祛陰陽。返山川。神化大凝。居無恒處。而

跡躔於蜀。繼治有勾。疆氏譙明氏。涿光氏。鉤陳

氏。黃神氏。狃神氏。黎盧氏。大驪氏。鬼隗氏。弁茲

氏。恭運氏。沒而為河神。司水出入有光。冉相氏

蓋盈氏。大敦氏。靈陽氏。是為陽帝。出於長沙之

茶陵。今湖廣長沙府茶陵州是厥化混混。厥生濛濛。巫常氏

恭壹氏。是為皇人。開圖挺紀。執大同之制。調大

鴻之氣正神明之位。蓋范無形。嘗無味。要會久
視操法攬而長存者。厥後神農氏開醫于泰壹

小子。而黃帝老子受要法于泰壹元君。有兵法

陰陽元氣黃冶雜子。及泰壹之書。其書言黃帝

遊靈臺謁峨嶠

山名在四川新州延袤三十里
來自岷山二峯對峙宛若峩峩

見天真皇人于玉堂。咨以三一之道。論水火絳

霄宮大淵之事。後有空桑氏。一曰廣桑。在兗州。

神民氏。作都于神民之丘。蓋使民神異業。精氣

通行。一曰神皇氏。駕六蜚鹿而治天下三百歲。

猗帝氏次民氏繼之而治。又因提紀有十三氏繼次民氏後而治世亦列於左。

辰放氏

蜀山氏

厖隗氏

渾沌氏

東尸氏

皇覃氏

啓統氏

吉夷氏

几蘧氏

豨韋氏

有巢氏

燧人氏

庸成氏

辰放氏是為元皇。都於帝勃。地名駕六飛麟而從

日月。上下天地與神合謀。古初之人卉服蔽體

乃教民擗木茹皮。以禦風霜。絞髮鬪首以去露

兩號曰衣皮之民。治天下二百五十年。傳四世。
有蜀山氏。颺驪氏。混沌氏。生而不殺。予而不奪。
天下之人服其服而懷其德。當世時陰陽相和。
萬世一息。蜚鳥之巢。可俯而探也。走獸可繫而
從也。蓋執中涵和。除日無歲。無內而無外者也。
混沌氏之治也。傳七世。有東尸氏。皇覃氏。啓統
氏。吉夷氏。凡蘧氏。豨韋氏。繼之。有巢氏。燧人氏。
庸成氏。以治天下。教人民架屋。火食。不知後來
如何。且聽下回分解。

有巢氏教民架屋

第七回

却說有巢氏爲諸侯發政施仁。無日不以天下爲念。而天下人民咸歸之。見人民出入相友。况禽獸尚與人同宿共食者。有巢氏恐禽獸之性不常。民受其害。教民架木爲巢。掘地爲營。架木營室。暑夏則居之。以避炎熱。掘地穴居。寒冬則住之。以避冽冷。又備避禽獸之不測。人民大悅。自是安居樂業。其時尚未知稼穡。而人民止食草木之實。又未有火化。飲禽獸之血。而茹其毛。

取其皮以蔽前後

火化言彼時民人猶未知飢
食渴飲禽獸之血飢食禽獸

之肉帶毛而茹取
皮以掩前後羞處

而民自爾以安恬也後有惡

獸傷人

惡獸豺狼
虎豹之類

民皆相告而避架木之所得

遠其害不致所傷自此頗知迴避民皆頌其德

是時民和物阜遠近沾其教化人民稍知禮義

草木繁茂教民芟除架屋以蔽風雨治天下五

百九十年傳二世而崩崩之日天下之民多至

朝而哭哀聲震地擁立燧人氏不知後事如何

且聽下回分解

燧人氏結繩治政 第八回

却說燧人氏乃有巢氏之子。繼父之國而治世。
燧者火之所生也。有四賢臣爲佐。一曰明由。二曰必充。
三曰成博。四曰隕丘。此四臣皆賢能。輔燧人氏
以治其國。人民咸奔朝賀。燧人氏大喜。燧人氏
一日設朝。羣臣朝畢。分班侍立。燧人氏曰。先君
教民架木巢居。此萬世不易之長法。吾但思今
之民。不得熟食。爲此朝夕憂悶。何以處之。卿等
有何良法。羣臣曰。臣等愚昧。此必吾主教識之。

燧人氏朝散羣臣皆退燧人氏至夜仰觀列宿。俯察五行見星象猛省曰噫空中有火麗木則明。虛空之火麗於木而地上金木水火土俱載其中。豈可人間無得火乎。以金尅木必有火出。今吾教民用金鑽木是有火矣。有水而民不至腥臊生食也。心中大悅。次日升朝。燧人氏召衆臣而諭之曰。寡人昨日朝退一夜無寐。至俯觀俯察。列象五行。虛空有火。明麗於木。汝等不明取火之法。故不得其火。而腥羶生食其物。

寡人今以教民。尋金鑽木。必有火出。將火炙物。民得熟物以食。而不至食生物矣。羣臣頓首謝曰。吾主聰明天縱。非臣等愚昧所知也。於是令布之天下。以傳教萬民。民皆大悅。依法鑽之。果有火出。用金作鍋。盛水以煮。下以火燒。食物煮熟。無腥羶之氣。有香美之味。嘗之。甘甜較之。往日。大不相同。人民得此資生。一日三餐。自行自止。皆鼓舞大悅。自此天下而有火食。此燧人氏教民熟食之功也。但世事尚未有紀綱師表法。

燧人氏教民作結繩之政

結繩為紀如遇大事則大結

立傳

教之臺

傳教言師表之臺以教化天下之民人也北師長之道自此始矣

又教

民日中為市與交易之道人情以遂民遂呼之

為遂皇傳八世治天下五百三十年繼起有庸

成氏一遵燧人氏之化再繼伏羲氏出焉不知

後事如何且聽下回分解

按春秋元命苞曰自天地開闢至魯哀公十

四年獲麟之歲凡二百二十六萬七千年

按鑑編纂開闢衍繹通俗志傳卷之一終

